

Akashvani, Sambalpur

SAMBALPURI NEWS EVENING BULLETIN

1 June 2024- 7.02 pm- 7.12 pm.

୧- ଦେଶେ ଆର୍ ରାଏଜେ ସରଳା ଶେଷ୍ଟ ଖେପ୍ ସାଧାରଣ ନିର୍ବାଚନ ।

- ରାଏଜେ ଉପରବେଳା ୫ ବଜେତକ୍ ୨୨ ଦଶମିକ୍ ୪/୨ ପ୍ରତିଶତ ହେଇଛେ ମତଦାନ ।

୨- ପୁରୀ ଫର୍କା ବିଞ୍ଚୋରଣ୍ ଘଟନାର୍ ତଦନ୍ତକେ ନେଇକରି ଆଏବା ୫ ତାରିଖ୍ ଦିନ ବୈଠକ୍ ଡାକ୍ଲେ ଅତିରିକ୍ତ ଏସ୍ଆରସି ।

୩- ପଦ୍ମଶ୍ରୀ ମାଗୁଣୀ ଚରଣ୍ କୁଅଁରଙ୍କର୍ ରାଷ୍ଟ୍ରୀୟ ମର୍ଯ୍ୟାଦାଥ୍ ହେଲା ଶେଷକୃତ୍ୟ ।

ଆଉର୍

୪- ବ୍ୟବସାୟିକ ଏଲ୍ପିଜିର ଦାମ୍ ସିଲିଣ୍ଡର୍ ପିଛା ୨୯ ଟଙ୍କା ୫୦ ପଏସା କମ୍ଲା ।

ଦେଶେ ଆଏଜ୍ ଶେଷ୍ଠ ଖେପ ନିର୍ବାଚନ ଶେଷ୍ଠ ହେଇଛେ । ଅଷ୍ଟାଦଶ ଲୋକସଭା ଲାଗି ମୋଟ୍ ୭ ଟା ଖେପେ ସାଧାରଣ ନିର୍ବାଚନ ହେଇଥିଲା । ଲୋକସଭା ନିର୍ବାଚନ ସହେତେ ଓଡ଼ିଶା, ଆନ୍ଧ୍ରପ୍ରଦେଶ୍, ଅରୁଣାଚଲ୍ ପ୍ରଦେଶ୍ ଆର୍ ସିକିମ୍ ବିଧାନସଭା ଲାଗି ଏକାସାଙ୍ଗେ ଭୋଟ୍ ହେଇଥିଲା ।

ଆଏଜ୍ ଶେଷ୍ଠ ଖେପେ ଓଡ଼ିଶା ନ ସଞ୍ଜବେଲର୍ ୫ ବଜେତକ୍ ୨୨ ଦଶମିକ୍ ୪/୨ ପ୍ରତିଶତ୍ ମତଦାନ ହେଇଥିବାର ରାଜ୍ୟ ମୁଖ୍ୟ ନିର୍ବାଚନ ଅଧିକାରୀ ନିକୃଞ୍ଜା ବିହାରୀ ଧଳ ସୂଚନା ଦେଇଛନ୍ । ମିଳିଥିବା ସୂଚନା ଅନୁସାରେ ବାଲେଶ୍ଵର୍ ନ ୨୧ ଦଶମିକ୍ ୯/୧ ପ୍ରତିଶତ୍, ଭଦ୍ରକ୍ ନ ୫୮ ଦଶମିକ୍ ୨/୧ ପ୍ରତିଶତ୍, ଜଗତସିଂହପୁର୍ ନ ୨୫ ଦଶମିକ୍ ୯/୩ ପ୍ରତିଶତ୍, ଯାଜପୁର୍ ନ ୨୨ ଦଶମିକ୍ ୯/୨ ପ୍ରତିଶତ୍, କେନ୍ଦ୍ରାପଡ଼ା ନ ୨୨ ଦଶମିକ୍ ଶୂନ୍/୨ ପ୍ରତିଶତ୍ ଆର୍ ମୟୂର୍ଭଞ୍ଜ୍ ନ ୨୪ ଦଶମିକ୍ ୧/୨ ପ୍ରତିଶତ୍ ମତଦାନ ହେଇଛେ ।

ସେଆଡ଼େ ଦେଶେ ଓଡ଼ିଶା ସହେତେ ୭ ଟା ରାଜ୍ୟ ଆର୍ ଗୁଟେ କେନ୍ଦ୍ରଶାସିତ୍ ଅଂଚଲ୍ ନ ହେଇଥିବା ନିର୍ବାଚନଥି ସଞ୍ଜବେଲର୍ ୫ ବଜେତକ୍ ୫୮ ଦଶମିକ୍ ୩/୪ ପ୍ରତିଶତ୍

ମତଦାନ ହେଇଥିବାର ବେଳେ ପଶ୍ଚିମବଙ୍ଗ ନ ସବୁନୁ ଅଧିକା
୨୯ ଦଶମିକ୍ ୮/୯ ପ୍ରତିଶତ ମତଦାନ ହେଇଛି ।

ଇନ ଜନେଇ ଦିଆଯାଇପାରେ ଯେ, ଲୋକସଭା
ନିର୍ବାଚନର ପହେଲା ଖେପେ ଏପ୍ରିଲ୍ ମାସ ୧୯ ତାରିଖ ଦିନ
ଶହେ ୨ ଟା ଲୋକସଭା ଆସନ ଲାଗି ଭୋଟ୍ ହେଇଥିଲା ।
ସେନ୍ତା ଏପ୍ରିଲ୍ ୨୨ ତାରିଖ ଦିନ ୨ ନମ୍ବର ଖେପୁଥୁ ୮୯ ଟା
ଲୋକସଭା ଆସନ, ମେ ୭ ତାରିଖ ଦିନ ୩ ନମ୍ବର ଖେପେ ୯୪
ଟା, ମେ ୧୩ ତାରିଖ ଦିନ ୪ ନମ୍ବର ଖେପେ ୯୨ ଟା, ମେ ୨୦
ତାରିଖ ଦିନ ୫ ନମ୍ବର ଖେପେ ୪୯ ଟା ଆର୍ ୨ ନମ୍ବର ଖେପେ
ମେ ୨୫ ତାରିଖ ଦିନ ୯୭ ଟା ଲୋକସଭା ଆସନ ଲାଗି ଭୋଟ୍
ହେଇଥିବାର ବେଳେ ଆସକ୍ ୫୭ ଟା ଲୋକସଭା ଆସନ ଲାଗି
ଭୋଟ୍ ହେଇଛି ।

ରାଏଜେ ଇଥର ଶହେ ୪୭ ଟା ବିଧାନସଭା ଆସନ ଲାଗି ୧
ହଜାର ୨ ଶହ ୮୫ ଝନ୍ ପ୍ରାର୍ଥୀ ନିର୍ବାଚନୁ ପ୍ରତିଦ୍ଵନ୍ଦିତା
କରିଛନ୍ । ଶେଷ୍ ଖେପେ ଆସକ୍ ରାଜ୍ୟର ୨ ଟା
ଲୋକସଭା ଆସନ ମୟୁରଭଞ୍ଜ, ବାଲେଶ୍ଵର, ଭଦ୍ରକ,
ଯାଜ୍ପୁର, କେନ୍ଦ୍ରାପଡ଼ା ଆର୍ ଜଗତ୍ସିଂହପୁର ଆର୍ ଇତାର
ଅଧୀନୁ ଥିବା ୪୨ ଟା ବିଧାନସଭା ଆସନ ଲାଗି ଭୋଟ୍
ହେଇଛି । ସେଆଡ଼େ ଓଡ଼ିଶା ନ ପହେଲା ଖେପେ
ମତଦାନ ହାର ୭୩ ଦଶମିକ୍ ୯/୭ ପ୍ରତିଶତ ରହିଥିବାର
ବେଳେ ୨ ନମ୍ବର ଖେପେ ୭୩ ଦଶମିକ୍ ୫/୧ ପ୍ରତିଶତ

ଆର ୩ ନମ୍ବର ଖେପେ ୭୪ ଦଶମିକ୍ ୪/୫ ପ୍ରତିଶତ୍
ମତଦାନ ହେଇଥିଲା ।

ଅସ୍ଵାଭାବିକ୍ ମୃତ୍ୟୁ ଆରଏନୟ୍/ କଟକ/ ସମଲପୁର

ରାଉରକେଲା ନ ଅସ୍ଵାଭାବିକ୍ କାରଣନ୍ ମୃତ୍ୟୁ ସଂଖ୍ୟା ୧୮
କେ ବଢ଼ିଛେ ବଲି ଅତିରିକ୍ତ ଜିଲ୍ଲାପାଲ୍ ସୂଚନା ଦେଇଛନ୍ । ୨
ଦିନ୍ଥି ଇମାନକର ମୃତ୍ୟୁ ହେଇଛେ । ୧୮ ଝନକର ଭିତ୍ତରୁ ୮
ଝନକର ଡାକ୍ତରଖାନା ନ ପୁହୁଁଚିବାର ଆଗରୁ ମୃତ୍ୟୁ ହେଇଥିବାର
ଜନାପଡ଼ିଛେ । ଆଏଜ୍ ଶବ ବ୍ୟବଚ୍ଛେଦ୍ ରିପୋର୍ଟ ଆସ୍‌ବା ବଲି
ସେ କହିଛନ୍ ।

ସେଆଡ଼େ ୧୦ ଝନକର ଭିତ୍ତରୁ ସରକାରୀ ହାସ୍‌ପାତାଲ୍
ନ ୫ ଝନକର ଆର ଘରୋଇ ହସ୍ପିଟାଲ୍ ନ ୫ ଝନକର
ଚିକିତ୍ସାଧୀନ୍ ଅବସ୍ଥାଥ୍ ଜୀବନ୍ ଯାଇଥିବାର ସେ ଫଟିକ୍
କରିଛନ୍ ।

ଇନ ଜନେଇ ଦିଆଯାଇପାରେ ଯେ, ଜିଲ୍ଲା ନ ଜବର ଖରା ଆର
ତାତି ବଢ଼ିବାରନ୍ ଗଲା ୩ ଦିନ୍ ଭିତ୍ତରେ ଆକ୍ରାନ୍ତକର
ସଂଖ୍ୟା ବଢ଼ିଛେ । ଇହାଦେ ଭିଲ୍ ଭିନ୍ ଭିନ୍ ଡାକ୍ତରଖାନା ନ
୩୦ ନୁ ଅଏଡ଼କା ରୋଗୀ ଚିକିତ୍ସିତ୍ ହେଉଛନ୍ । ଥିତିର୍
ସମୀକ୍ଷା କରବାର ଲାଗି ଭୁବନେଶ୍ୱରର ୩ ଝନିଆ ଡାକ୍ତରୀ
ଦଲ୍ ରାଉରକେଲା ନ ଅନୁଧାନ ମୁଲ୍ କରିଛନ୍ । ସେଆଡ଼େ

ଖରାନୁ ସୁରକ୍ଷାର ଲାଗି ପ୍ରଶାସନ ତରଫୁ ଜିଲ୍ଲାର ଭିନ୍ ଭିନ୍ ଜାଗା ନ ଜନସଚେତନତା କାର୍ଯ୍ୟକ୍ରମକେ ଜୋରଦାର କରାଯିବାର ସହେତେ ଦିନବେଳା ଚାଲିଥିବା ନିର୍ମାଣ କାମ ଉପରେ ନଜର ରଖାଯାଇଛି ।

ପ୍ରିଜାଇଡିଂ ଅଫିସର- ନିଲୟତ ହିନ୍ଦୁସ୍ଥାନ ସମାଚାର

ଜଗତସିଂହପୁର ସଂସଦୀୟ କ୍ଷେତ୍ରର ନିଆଳି ବିଧାନସଭା ନିର୍ବାଚନ ମଣ୍ଡଳୀର ୭୫ ନମ୍ବର ବୁଥର ପ୍ରିଜାଇଡିଂ ଅଫିସର ଲକ୍ଷ୍ମୀନାରାୟଣ ଦାସଙ୍କୁ ନିଲୟନ କରାଯାଇଛି । ସେ ଝନେ ଅଧ୍ୟାପକ ଥିଲେ । ନିର୍ବାଚନ କାମ୍ ଥି ଅବହେଳା କରିଥିବାରୁ ଅଧ୍ୟାପକ ଦାସଙ୍କୁ କଟକ ଜିଲ୍ଲାପାଳ ଥି ଆର ଜିଲ୍ଲା ନିର୍ବାଚନ ଅଧିକାରୀ ଅରିନ୍ଦମ୍ ଡାକୁଆ ନିଲୟନ କରିଛନ୍ । ପ୍ରିଜାଇଡିଂ ଅଫିସର ଗୁଡେ ଦଲର ପ୍ରାର୍ଥୀମାନଙ୍କୁ ଭୋଗ୍ ଦେବାର ଲାଗି ଭୋଟରମାନଙ୍କୁ କହୁଥିଲେ ବଳି ଅଭିଯୋଗ୍ ହେଇଥିଲା ।

ମାଗୁଣି ଚରଣ କୁଅଁର- ପରଲୋକ ଆରବନ୍ଧୁ/ କଟକ

କେନ୍ଦୁଝରର ପ୍ରସିଦ୍ଧ ପୁତଳି ନୃତ୍ୟ ଗୁରୁ ପଦ୍ମଶ୍ରୀ ମାଗୁଣି ଚରଣ କୁଅଁରଙ୍କର ୮୮ ବଛର ବୟେସେ ଥିଏଜ୍ ପରଲୋକ

ହେଇଛେ । ସେ ବହୁତ ଦିନ ହେଲା ଅସୁସ୍ଥ ହେଇକରି ଚିକିତ୍ସିତ ହେଉଥିଲେ । କିଛି ଦିନ ଆଗରୁ ସେ କେନ୍ଦୁଝର ପୁରନା ସହର ନ ଥିବାର ନିଜର ଘର୍କେ ଫିରିଥିଲେ । କାଠି ପୁତ୍ଲି ନୃତ୍ୟ ଲାଗି ମାଗୁଣୀ ଚରଣ କୁଅଁରଙ୍କୁ ୨୦୨୩ ମସିହା ପଦ୍ମଶ୍ରୀ ସମ୍ମାନ ଥି ସମ୍ମାନିତ କରାଯାଇଥିଲା । ସେ କେନ୍ଦ୍ର ସଙ୍ଗୀତ ନାଟକ ଏକାଡେମୀ ସମ୍ମାନ, ଉପେନ୍ଦ୍ରଭଞ୍ଜ ସମ୍ମାନ ଆଉ ରତିବୁଦ୍ଧ ସମ୍ମାନ ଥି ସମ୍ମାନିତ ହେଇଥିଲେ । ସମ୍ପୂର୍ଣ୍ଣ ରାଷ୍ଟ୍ରୀୟ ମର୍ଯ୍ୟାଦା ଥି ଆଏକ୍ ଉପରବେଳା ତାଙ୍କର ଶେଷକୃତ୍ୟ ହେଇଯାଇଛେ ।

ପଦ୍ମଶ୍ରୀ ମାଗୁଣୀ ଚରଣ କୁଅଁରଙ୍କର ବିୟୋଗ ଥି ରାଷ୍ଟ୍ରପତି ଦ୍ରୌପଦୀ ମୁର୍ମୁ ଗଭୀର ଶୋକପ୍ରକାଶ କରିଛନ୍ । ସେ ଛାଡ଼ିଯାଇଥିବା ପାହାଚିହ୍ନା ସବୁବେଳେ ପ୍ରେରଣାର ଉତ୍ସ ହେଇକରି ରହେବା ବଳି ରାଷ୍ଟ୍ରପତି ଗୁଚେ ଚିତ୍ ବାଚାଥି କହିଛନ୍ ।

ରାଜ୍ୟପାଲ ରଘୁବର ଦାସ ପଦ୍ମଶ୍ରୀ ମାଗୁଣୀ ଚରଣ କୁଅଁରଙ୍କର ବିୟୋଗ ଥି ଦୁଃଖ ପ୍ରକାଶ କରିଛନ୍ । ପୁତ୍ଲି ନାଟକେ ବିଶ୍ୱ ବଜାର ଥି ସ୍ୱତନ୍ତ୍ର ପରିଚୟ ଦେବାର ଲାଗି ତାଙ୍କର ଯୋଗଦାନ ସ୍ମରଣୀୟ ହେଇକରି ରହେବା ବଳି ରାଜ୍ୟପାଲ କହିଛନ୍ ।

ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ପଦ୍ମଶ୍ରୀ ମାଗୁଣୀ ଚରଣ କୁଅଁରଙ୍କର ପରଲୋକ ଥି ଶୋକପ୍ରକାଶ କରିକରି କହିଛନ୍ ଯେ,

ଓଡ଼ିଶା ନ ଲୋପ ପାଇଯାଉଥିବା ପୁତ୍ଲି ନାଟ ପରମ୍ପରାକେ ଉଦ୍ଧୃତ କରି ରଖିବାରୁ ତାଙ୍କର ଗୁରୁତ୍ୱପୂର୍ଣ୍ଣ ଭୂମିକା ରହିଥିଲା । ଓଡ଼ିଶାର ପାରମ୍ପାରିକ କଳା ଜଗତ ଲାଗି ଇଟା ଗୁଚେ ଅପୂରଣୀୟ କ୍ଷତି ଆଏ ବଳି ମୁଖ୍ୟମନ୍ତ୍ରୀ କହିଛନ୍ତି ।

କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଗୁଚେ ଟ୍ୱିଟ୍ ବାଚାଣୀ ଦୁଃଖ ପ୍ରକାଶ କରିକରି କହିଛନ୍ତି ଯେ, ଓଡ଼ିଶାର ପ୍ରାଚୀନ କଳା ଆଉ କାଠପୁତ୍ଲି ନୃତ୍ୟ କଳାକେ ବଂଚେଇ ରଖିବାର ଦିଗେ ପଦ୍ମଶ୍ରୀ ମାଗୁଣୀ ଚରଣ କୁଅଁର ପ୍ରତିବଦ୍ଧତା ଅବଶ୍ୟତୀୟ । ତାଙ୍କର ଅବଦାନ ସବୁଦିନର ଲାଗି ସୋର ରହେବା ବଳି କେନ୍ଦ୍ରମନ୍ତ୍ରୀ ଶ୍ରୀ ପ୍ରଧାନ କହିଛନ୍ତି ।

ଏଲ୍ପିଜି ଦାମ୍ ଆରଏନ୍ୟୁ/ କଟକ

ଡୈଲି ବିତରଣ କମ୍ପାନୀମାନେ ବ୍ୟବସାୟିକ ଏଲ୍ପିଜିର ଦାମ୍ ସିଲିଣ୍ଡର ପିଛା ୬୯ ଟଙ୍କା ୫୦ ପଏସା କମେଇଛନ୍ତି । ଭାରତୀୟ ଡୈଲି ନିଗମ୍‌ନୁ ମିଳିଥିବା ସୂଚନା ଅନୁସାରେ ଗେସ୍ ସିଲିଣ୍ଡର ପିଛା ଖୁରୁରା ଦାମ୍ ଦିଲ୍ଲୀ ନ ୧ ହଜାର ୬ ଶହ ୭୭ ଟଙ୍କା ଅଛି । ଇ ବ୍ୟବସାୟିକ ଏଲ୍ପିଜି ସିଲିଣ୍ଡର ଦାମ୍ କୋଲକାତା ନ ୭୨ ଟଙ୍କା , ମୁମ୍ବାଇ ନ ୬୯ ଟଙ୍କା ୫୦ ପଏସା ଆର୍ ଚେନ୍ନାଇ ନ ୭୦ ଟଙ୍କା ୫୦ ପଏସା କମିଛି । ଆଏଲ୍‌ଠାନ୍ ଇ ଦାମ୍ ଲାଗୁ ହେଇଛି । ସେନ୍ତା

ବେସାମରିକ୍ ବିମାନ୍ ଇନ୍ଦର ଦାମ୍ ଭିଲ୍ ୬ ଦଶମିକ୍ ୫
ପ୍ରତିଶତ୍ କମିଥିବାର୍ ଜନାପଡ଼ିଛେ ।

କାଲ୍‌ବୈଶାଖୀ

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲାର୍ ଖଡ଼ିଆଲ୍ ନ ଆଏଜ୍ କାଲ୍‌ବୈଶାଖୀ ଆଉ
ଘୂର୍ଣ୍ଣିତ୍ ହେଇଥିଲା । ଜୋର୍ ପବନ୍ ବୁହିବାର୍‌ନୁ ଠାନେ
ଠାନେ ବିଦ୍ୟୁତ୍ ତାର୍ ଛିଡ଼ିବାର୍ ଆର୍ କୁଚ୍ଚପଡ଼ାର ରାଜ୍ୟ
ପଶ୍ୟାଗାର ନ କ୍ଷତି ହେଇଛେ । ବିଦ୍ୟୁତ୍ ତାର୍ ଉପରେ
ପଡ଼ିଥିବାର୍ ଗଛ୍ ମାନ୍କୁ ହଟେଇକରି ବିଦ୍ୟୁତ୍
ସରବରାହକେ ସ୍ଵାଭାବିକ୍ କରବାର୍ ଲାଗି ବିଦ୍ୟୁତ୍ ଆଉ
ଅଗ୍ନିଶମ ବିଭାଗ୍ ତରଫୁ ଉଦ୍ୟମ୍ ଜାରି ରହିଛେ ।

ବିଶ୍ଵ ଦୁଗ୍ଢ ଦିବସ୍

ଆରଏନ୍‌ୟୁ / ସମ୍ବଲପୁର

ଦୁଗ୍ଢ ଆର୍ ଦୁଗ୍ଢଜାତ ଖାଏବାର୍ ଦରବର ମହତ୍ଵ ବାବଦେ ଲୁକ୍କୁ
ସଚେତନ୍ କରବାର୍ ଲାଗି ଫି' ବଛର୍ ଜୁନ୍ ୧ ତାରିଖ୍
ଆଝିର୍ ଦିନ୍କେ ବିଶ୍ଵ ଦୁଗ୍ଢ ଦିବସ୍ ଭାବେ ପାଲନ୍
କରାଯାଉଛେ । ମିଳିତ ଜାତିସଂଘର୍ ଖାଦ୍ୟ ଆଉ କୃଷି
ସଂଗଠନ୍ ତରଫୁ ପହେଲା କରି ଇ ଦିବସ୍ ପାଲନ୍
କରାଯାଇଥିଲା । ଦୁଗ୍ଢ କି କ୍ଷୀର ମୁନୁଷ୍ ମାନ୍କର ସୃଷ୍ଟିର୍

ଗୁଡ଼େ ବଡ଼ ଉପହାର । ମା କ୍ଷୀର ହେଉ କି ଗୁରସ୍, ସେଟା ଅମୃତ୍ ସହେତେ ସମାନ । ଆଧୁନିକ ସମିଆଥ୍ ସବୁ କ୍ଷେତ୍ର ବଦଳିଥିଲେ ଭିଲ୍ କ୍ଷୀରର ଚାହିଦା ସବୁବେଳେ ରହିଆସିଛି ଆଉ ଆଗକେ ଭିଲ୍ ରହେବା । ଆଗରୁ କ୍ଷୀର ଅଭାବ ଦେଖିମାନକର ଭିତରେ ରହିଥିବା - ଭାରତନ ଇହାଦେ ପୁରୁଥ୍ ୨୩ ପ୍ରତିଶତ ଦୁଗ୍ଧ ଉତ୍ପାଦନ କରାଯାଉଛି ।

ମହାନଗର ନିଗମ୍- ଜବରଦଖଲ୍ ସମ୍ବଲପୁର
ସମ୍ବାଦଦାତା

ବିଲ୍ଡିଂ ପ୍ଲାନ ଅନୁସାରେ ଗାଡ଼ିମଟର ପାର୍କିଂ ଲାଗି ଧାରିଜ୍ କରାଯାଇଥିବା ଜାଗାକେ ବ୍ୟବସାୟିକ କାମ୍ଥୁ ବେଭାର୍ କରବାର୍ ଉପରେ ସମ୍ବଲପୁର ମହାନଗର ନିଗମ୍ ତରଫୁ କାର୍ଯ୍ୟାନୁଷ୍ଠାନ ଗ୍ରହଣ କରାଯାଇଛି । ଇ ଅଭିଯୋଗ୍ଥୁ ଆଏଜ୍ ମହାନଗର ନିଗମ୍ ତରଫୁ ଗୁଡ଼େ ବ୍ୟବସାୟିକ ପ୍ରତିଷ୍ଠାନର ଗୁଡ଼େ ଅଂଶକେ ସିଲ୍ଡ୍ କରାଯାଇଥିବାର୍ ଜନାପଡ଼ିଛି । ଆଏବା ୩ ଦିନତକ୍ ପ୍ରତିଷ୍ଠାନ ତରଫୁ ପାର୍କିଂ ଜାଗାର୍ ସୁବିଧା କରବାର୍ ଲାଗି ମହାନଗର ନିଗମ୍ ତରଫୁ କୁହାଯାଇଛି ।

ପାଣିପାଗ ଆରବନ୍ଧୁ/ ସମ୍ବଲପୁର

ରାଏଜେ ଗ୍ରୀଷ୍ମପ୍ରବାହ ଜାରି ରହିଥିବାର ବେଳେ ୧୨ ଟା ଜାଗା ନ ୪୦ ଡିଗ୍ରୀ ସେଲ୍‌ସିଅସ୍‌କୁ ଜହ ରେକର୍ଡ୍ କରାଯାଇଛି । ଟିଟିଲାଗଡ଼ ନ ସବୁନୁ ଜହ ତାତି ୪୬ ଡିଗ୍ରୀ ସେଲ୍‌ସିଅସ୍ ରେକର୍ଡ୍ ହେଇଛି । ସେନ୍ତା ବରଗଡ଼ ନ ଆଏଜ୍ ଦିନର ତାତି ୪୫ ଦଶମିକ୍ ୮, ଭବାନୀପାଟ୍‌ନା ନ ୪୪ ଦଶମିକ୍ ୬, ବଲାଙ୍ଗିର ନ ୪୫ ଦଶମିକ୍ ୫, ନୂଆପଡ଼ା ନ ୪୪, ସୁବର୍ଣ୍ଣପୁର ନ ୪୩ ଦଶମିକ୍ ୮, ସମ୍ବଲପୁର ନ ୪୨ ଦଶମିକ୍ ୩, ବୌଦ୍ଧ ନ ୪୧ ଦଶମିକ୍ ୭, ଝାରସୁଗୁଡ଼ା ନ ୪୧ ଦଶମିକ୍ ୫ ଡିଗ୍ରୀ ସେଲ୍‌ସିଅସ୍ ରହିଥିବାର ଆଂଚଳିକ୍ ବିଜ୍ଞାନ କେନ୍ଦ୍ର ତରଫୁ ସୂଚନା ମିଳିଛି । ଆଏବା କାଏଲ୍ କଲାହାଣ୍ଡି, ବଲାଙ୍ଗିର, ସୁବର୍ଣ୍ଣପୁର, ସମ୍ବଲପୁର ଆର କନ୍ଧମାଲ୍ ନ ଜବର ତାତି ହେବା ବଳି ବିଭାଗ୍ ତରଫୁ ଅରେଞ୍ଜ୍ ଡ୍ଫାଣ୍ଟି ଜାରି କରାଯାଇଛି ।